

漢伏波將軍謚忠成侯馬援

漢合浦郡太守費貽

漢合浦郡太守孟嘗

宋刺史督交越二州軍事陳伯紹

宋知廉州軍事謚忠勇蘇絨

宋廉州通判張夔

宋贈太尉廉州巡檢使謚武烈毛炳

元廉州路同知羅士顯

明中憲大夫按察司僉事兼廉州府知府林錦

明中憲大夫廉州府知府劉互(火旁)

明太子少保謚襄惠前廉州府知府張岳

明中憲大夫廉州府知府游日章

明廉州府同知林禮

明廉州府學教授王翰

府鄉賢祠崇祀姓名

漢日南太守張重

隋台廉二州刺史甯純

唐贈禮部尚書姜公輔

明御史巡按陝西沈福

明贈禮科給事中林榮

明廉州衛指揮湛越

明孝子鄭誥

清翰林院編修刑部河南主事馮敏昌

合浦縣名宦祠崇祀姓名

吳太子太傅前珠官太守薛綜

元合浦尹吳正卿

明合浦縣知縣劉行義

明石康縣知縣羅紳

明廉州所百戶孔榕

縣鄉賢祠崇祀姓名

漢孝子丁茂

吳賜爵三級李祖仁

宋左江提舉陳治安

明山西參政韓珠



明福建參議裴衷

明雲南府知府鍾振

明處士施敦

右採錄府志

縣忠義祠崇祀姓名

陳國綱 陳國謨 俱石康人

陳玉書 陳郡光 俱大康人

廖會文 梁國全 鄧斯全

劉俊道 姚定英 姚定龍 符文偉

黃日昭 張玉書 俱珠江人

清咸豐二年建

右新輯

張揚

重游泮宮

岑上椿亭壽山居白沙江道光壬寅入學光緒壬寅重游

梁國棟居郡城內大南門道光壬寅入武學光緒壬寅重游

李仰勳字覺樓居沙窩道光甲辰入學光緒甲辰重游學



使朱祖謀給永錫難老額

# 風俗

晉

合浦郡土地磽鹵（石旁）無有田農百姓以採珠為業商賈往來以珠貨米吳時珠禁甚嚴慮百姓私散好珠禁絕來去人以饑

困 晉書陶璜傳

明

語音言多侏（人旁）字墨少諳杜撰俗字官府不能辨別有夷人名高粱人不事耕稼以入海捕魚為業初春往捕翡翠於鴉

洲謂之拾翠 黃通志

清

土地磽鹵（石旁）無田農夷人多採珠以亥日聚市黎蛋壯雅以荷葉包飯而往謂之趁墟病不求醫惟事巫覡俗有四民一曰客

戶居城郭解漢音靠商賈一曰東人雜居鄉村解閩語業耕種一曰俚人深居遠村不解漢語惟耕墾為活一曰蛋戶舟居穴處

康能漢音以採海為生性儉樸詞訟簡希 大清一統志

亦州視海南為過其人多聰明樸茂 黃佐學記

海濱學者翕然以正誼明道為心 王安國古堂遺傳

民性樸而生計拙 黃佐志

廉俗高簡儉易於取足堯城先生謂此間飲食粗足絕無醫藥土人遇疾惟祭鬼以祈福 嶺南雜記

三日一墟人不斷雙流遠郭海相通 呂杭清風樓詩





風氣勁悍其人好剛而弗純於習海有魚鹽其力易給 郭景志

凡婦女出入俱攜竹繖障面 嶺南雜記

各公署元旦除夕俱有鼓吹謂之鬧衙門更有蠻人粧獅子跳擲爲戲元宵燈市其盛每隔一家縛一燈棚匾曰興賢掛紅繒其下多用雜色糊焮毛旁燈剪紅白紙綴成玲瓏萬眼光彩奪目

迎春日競看土牛奪牛腹稻草云養豕肥元日禮神賀節不殺牲不市有素食者農民或二三日禮神謂之燒紙上元觀燈或作百戲十六夜婦女走百病擲園蔬曰採青取蔥以食小兒曰聰明

二月祭社分肉入社後田功畢作自十二月至於是月鄉人僻沿門逐鬼唱土歌謂之年例十五日爲花朝日

三月上巳被禊清明插柳於門其前後十日掃墓郊行謂之踏青亦曰剗草俗曰掛紙以楮置墳上也嶺南雜記云宗孫盛者如積雪

四月八日爲浮屠浴佛節

五月朔日試解粽初劈荔枝五日記祖先飲蒲酒餉以黍饌艾虎書硃符以紗縫雄黃爲兒女佩採蓮競渡曰扒龍船

七月七日曝衣書汲井華水貯之以備酒漿曰聖水小兒女以花菓作供乞巧十四浮屠盂蘭盆剪紙衣以祀祖先

八月望夜賞月剝芋擘柚謂之剝疵癩兒童積瓦片爲小塔焚之沃以膏

重陽日有祭墓者亦有登高者細民放紙鳶

十月朔日舉火星醮

冬至作冬茲(米旁)祀祖

臘月二十四日爲小年夜祀灶神除夕祀祖家人聚飲曰團年有圍爐坐達旦者曰守歲以錢給小兒曰壓歲易桃符放爆竹



古冠禮中州少行廉陽縉紳家猶采典禮遵用三加大抵臨娶始冠具文而已

婚之六禮併而爲四雖儀物式備而必用檟柳親迎惟士大夫家行之娶以二十首後爲率間有童婚者長始合昏謂之鷄對喪禮昔有用樂如縣執所識鐘鼓不分哀樂事者諸屬暴富家或沿習未變近來士大夫悉遵邱濬儀節矣俗祭用七至四十九日而止其子孫朝夕哭奠至百日親戚誅奠主人報禮元志所謂喪葬必盛饋饌以待送客是也俗尚佛事有識者間不爲之而俗不以爲是

祭禮舊四代主設於正寢今多立祠堂置祭田春秋二分及冬至廟祭一遵朱子家禮窮鄉僻壤數家村落亦有祖廟祀事四時薦新惟清明則設祭墓間有行之重九日或十月霜降後謂之送寒衣

合浦土廣民稀戶鮮百金之藏以性愚而生計拙工商舍本業而操奇贏者較廣客潮商弗逮也其稍知務農者又皆仰成於天土產竹居處器用咸賴焉竹屨竹床竹桌竹椅之類比戶皆然第一處屨修轉滋糜費故俗有窮人住竹瓦竹瓦住窮人之謠他可概見矣惟俗渾噩敦古處凜官法有稍勝他邦者土子穎異者頗多惜窮鄉僻壤少書籍聞見弗廣終於固陋生聚而教訓之其在良有司乎

古云男服事乎外女服事乎內禮也介粵西支持門戶皆女子或胼手胝足盡力南畝或逐末趁墟肩挑貿易皆婦女爲之男子執役則羣相詬詈山海婦女裸膝跣足各佩山刀行坐不離嶺南雜記云嶺南婢子赤足行市中親戚饋遺擔盤盪就溪水洗足著屣而後入有四五十無夫家者甚有肩木擔鹽往來如鐵僮夫過山輒以女應紅顏落此真在提劫中矣身郡猶無以

女應夫者視彼爲羞勝

廣俗最喜賽神漫云可徵福禳禍染寒暑疾延巫師跳鬼鳴鑼輒達旦烹庖宰鮮親朋跏坐而大嚼必醉飽而始罷名曰做平諺有之十醫不如一巫謂巫可療病而醫藥無靈故巫師常醉飽而醫人恆餒腹稍詰脈理者輒相戒弗入其境云



人死未殮親人望江澣而號投錢於水汲而歸浴以殮名曰買水既殮巫師持咒吹角檢死者生前衣衾草薦舉而焚之孝子送之大哭諸親戚皆大哭名曰送路

右採錄府志

今考台浦人民性質勤樸耐勞北部人多强悍率直好鬥南部瀕海者頗有活潑之象大約士人在昔多拘謹習詩書成名後祇訓讀習醫黠者或習刑律自科舉廢頗有圖進取者昔日商人儉尚樸素近來喜接交官宦多有錦衣玉食者矣清乾嘉時此間物價甚賤斗米百錢佳釀每觔祇需制錢三四十枚魚類蔬果每觔制錢數枚或十數枚而已今則價漲已至十倍煤油火柴自同治末輸入人咸駭怪鴉片自咸豐時輸入甚少吸者亦稀今則值昂而青年之吸者日眾可慨也光緒初年勞工每日所得不過制錢四五十枚士人講學雖青一衿而每歲束修少百貫之值者今日生活程度之高視昔相差有霄壤米珠薪桂而人民反日事奢侈焉

台浦俗重早婚男女幼時由父母有所屬意即遣媒說合其主要目的在門戶相當間亦有高攀俯就之時然亦僅矣及得其一諾即擇日請庚帖即禮所謂問名也

庚帖既得即求術者卜休咎庚帖置諸廳事三日後以有無變故為取舍遣媒覆命

男家允婚卜吉以金銀首飾餅果等及定金送諸女家謂之下定女家亦酬以種種禮物

年事既長男家擇定合吉日期媒人送往女家謂之報日至迎娶前先行納聘謂之過禮備送鷄豚酒米首飾之屬錢銀則曰筭儀曰聘金新娘祖父母在堂者另備錢銀佐壽堂之敬概由媒人齎送女家報聘多用文房四寶靴帽袍褂衣履角黍糖果等類又用金色銀質圓牌刻男女生辰於上謂之年生牌聘金多寡視男家之有無然鄉下貧戶所索多奢往往起爭論惟富室士族不計此



台登前數日男家擇期備禮物及粧飾品送諸女家新郎是日雜髮新娘亦是日梳髻謂之上頭結婚前數日安牀邀夫婦全而有子者安之頌以吉語

迎婦於女家謂之接親親迎與否各隨其便不親迎者以戚屬代之謂之接親人迎娶儀仗視主婚人而異女家贈以妝奩且令

戚屬送之謂之送親人新娘登彩輿後沿途放聲哭將到男家始息

新娘抵家停輿門外延道士禳之然後扶新娘下轎新娘着紅衣以紅帕覆首下轎時足不履地步步接踏草席扶入洞房行合

香禮當新娘抵門時先使青年懸蚊帳祝以多子是日大宴賓客迨酒闌新娘捧甜茶以敬戚屬茶以糖和紅棗元肉等煎之

翌晨新娘以盤水盥中奉親屬復進甜茶受者封資予之旋謁祖即日歸寧謂之回門不親迎者新郎須隨往拜岳家尊親女家

則盛筵款待至六日十二朝滿月新娘皆宜歸甯朝去暮返例不越宿滿月後方小住

娶後第一次新年新夫婦偕往岳家賀歲謂之拜年備糕餅分送岳家族戚至則以次叩拜親戚設筵相待歸時成封資為餽三

總地方新郎未赴妻家拜年先於元旦黃昏時出郊外折花數朵意謂白花兆生男紅花兆生女

喪事人死未蓋棺前戚友送黃絲紅筒或紅緞作覆尸之用進棺由日者擇日不利而未便久陳尸於是有寄棺之舉迨加蓋

時合宅男婦均臨哭設靈位於棺次舉行堂祭延禮生贊禮此禮晨夕供飯如侍生人十七乃已

人死後七日為一七至十七止普通人家逢七必舉行哀祭並於晚間炷香於途謂可引鬼返家

喪家天井搭棚設鼓樂肆筵設席賓客來弔鐸聲堂堂（金旁）壁上懸親友祭幛輓聯

迷信堪輿者往往停柩以待擇地或有另築舍以寄柩數年數十年不葬者

出殯前一日臘友以香燭冥資往弔翌辰送喪儀仗頗盛棺上以細竹五采紙製巨室為罩其他冥具紙人物亭臺之類視其家

豐否為繁簡沿途戚友僧尼隨行佐以奏樂婦女殿後以麻布製大三形覆其首謂之頭蓋親者哭甚哀湖廣水安等處特別



習慣出殯時擇子女伏道中昇棺過其上名曰負棺取負親之義

人死後七日內招魂曰闕路至三七五七九七多延僧道誦經爲亡人超度曰做齋有一畫二畫三畫四畫不若準家資伸縮之

惟六七由已嫁出之女或甥女爲之因俗諺有六七不食家庭飯之迷信也

節序立春節舊有耕藉田之舉節前一日迎春衙署皆換紅聯如新年

燈夕諸寺廟皆然花燈燦爛如火樹妾婦祈子者必插燈帶以歸藏諸閭中明年生子則酬燈倍之

燈市在上元前後沿市懸燈

今續  
概

玲瓏奪目驚之者長夜深履招徠周至人家生子必購燈懸堂上置酒相慶謂之燈酒

舊府署有石獅元夕婦人多摩挲之以祈子或背倚城門以祈腰不疼

清明士女上冢每以生菜裹飯和雜饌而啗（口旁）之謂之包生此寒食遺俗也

浴佛節閩秀以絲布製一物曲背似人非人謂之老烏令小兒佩之可袪不祥至端陽日刻西瓜皮作小舟膜以角黍送之清流

端陽節稚子額點雄黃以辟不祥閩中少婦多佩小香囊採香茅煮湯而浴之謂之蘭湯並插蟾蛛以艾灸之遠送之江祈除百

病各戶硃書題破一切不祥語黏之

七夕閩中皆置瓜果花粉以奉天孫遙望銀河終夜不寐人以是夕之水重於他夕且經年不變爭向江中或井中汲而貯之

中元盂蘭會城市張燈結綵搭壇演劇頗覺鬧熱沿街相繼爲之十餘日乃罷民間採百花編魚鳥類爲蝙蝠爲筐籃五色綵紛

馥郁可愛

八月禮物月餅用途爲廣餅肆年中獲利之厚此月最多 月餅之外有一種思物爲兒童最喜者名曰公仔餅又以篾織籠中

置豬形之餅謂之豬籠

中秋夕燒香塔外又有柚香擇大柚一滿身徧插長香香上繫以爆竹入夜齊燃各香以黃竹竿插柚豎於庭由是空際爆聲時



作

十月初十日人家有墓祭之舉謂之送寒衣

十一月冬至人購薑藏之謂之冬薑

十二月晦家家易門神換桃符氣象一新

除夕祀神爆竹之聲自黃昏達旦商家交易一年之賬亦於是結清

方言

孫北海曰廬州人作閩語福甯人作四明語海上相距不遠風氣相關按廬語與閩語殊不類如稱父曰大母曰姐稱祖曰吒祖母曰媽妻之父曰爹吒妻之母曰爹奶外祖曰外外吒祖母曰外媽呼子曰崽音女曰媳意夫稱妻曰科姐妻稱夫曰科大弟曰弟郎呼子之子曰孫伯叔呼姪亦曰孫稱府讎昏曰老官稱紳衿亦曰老官稱兵曰老科餘非正音居多又其音之隨俗杜撰者不可勝計如穩為歪謂似人之穩坐也矮為喬謂矮而不高也瘦為尖謂小而不大也拴為門謂門上加橫木也山為窳謂山能載物如大車也至於士子行文亦多怪體以華作筆以帳作帳以聞作耳以隣作儔師以是訓其弟父以此教其子率因說襲陋如相傳衣鉢不可改矣

廬郡方言大概與省會相仿其聲清婉而柔會浦欽州言語亦略相似靈山多廣語郡中間以福建潮州土音其音稍重而節略

促謂之海話如謂我為哎俗謂之哎子與興甯長樂人音同其餘各自相通矣謂父曰爹曰爸音南史湘東主人之爹是也母曰

媽媽者母之轉聲即母也亦曰馳音上凡雌物皆曰馳北風亦曰馳謂蓋馳與雌皆名母故西北風亦曰母也婦謂舅姑曰大

人公曰大人婆亦曰家公家婆賈誼曰與公併倨列子曰與家公執席是也謂子曰仔凡物之小者亦曰仔良家子曰亞官仔無

賴子曰爛仔子之少者曰儂其最小者曰細僕兒凡人之小者亦曰細僕僕吳語也而不以自稱至奴僕亦曰僕兒又曰弟仔間